

SAMOA

Faatulagaina o Aiaiga

1. Igoa puupuu ma le amataga
2. Komiti Faatino o Oloa Tau Faatoaga
3. Faalapotopotoga o Inisiua Tau Soifua a Samoa
4. Faalapotopotoga o Mea Tau Fale
5. Faaputugatupe mo le Lumanai Manuia o Tagata
6. Komiti Faatino e Pulea le Ava
7. Komiti Faatino e Pulea Ata Tifaga
8. Komiti Faatino o le Faalapotopotoga o Esetete Tausi a Samoa
9. Komiti Faatino o Fefaatauaiga, Mea Tau Pisinisi ma Atiina ae o Alamanuia
10. Ofisa o Samoa mo Tagata Tafafao Maimoa
11. Pulega o Malae Vaalele
12. Komiti Faatino e Pulea Felauaiga
13. Pulega o Taulaga
14. Pulega o Vai a Samoa
15. Komiti Faatino o le Televisi Samoa
16. Komiti Faatino o le Malae Taalo i Apia
17. Faalapotopotoga o le Malosi Faa-Eletise

2001, Nu. 9

O SE TULAFONO e teuteu ai Tulafono eseese e aiaia ai mo suiga i le aofai o sui auai o Komiti Faatino, Pulega ma isi Faalapotopotoga.
[29 Iuni 2001]

UA FAIA e le Fono Aoao Faitulafono a Samoa i totonu o le Palemene ua potopoto e faapea:-

1. Igoa puupuu ma le amataga-(1) O lenei Tulafono e mafai ona taua o le Tulafono o Sui Auai o Komiti Faatino ma Pulega 2001.

(2) O lenei Tulafono o le a tatau ona faamamaluina i le aso e tuuina i ai le maliega a le Ao o le Malo.

2. Komiti Faatino o Oloa Tau Faatoaga – Fuaiupu 3(2)(d) o le Tulafono o le Faalapotopotoga o Oloa tau Faatoaga 1975, ua teuteuina i le soloia o le upu “tolu” ma suia i ai le upu “ono”.

3. Faalapotopotoga o Inisiua Tau Soifua a Samoa – Fuaiupu 3(2)(d) o le Tulafono o Faalapotopotoga o Inisiua Tau Soifua 1976 ua teuteuina nei i le soloia o le upu “lua” ma suia i ai le upu “tolu”.

4. Faalapotopotoga o Mea Tau Fale – Fuaiupu 3(2)(f) o le Tulafono o le Faalapotopotoga o Mea Tau Fale 1989 ua teuteuina i le soloia o le upu “tolu” ma suia i ai le upu “fa”.

5. Faaputugatupe mo le Lumanai Manuia o Tagata – Fuaiupu 3(1) o le Tulafono o Faaputugatupe mo le Lumanai Manuia o Tagata 1972 ua teuteuina i le faaofiina i ai o le parakalafa ua taua i lalo pe a tuanai le parakalafa (h):

“(i) O se tagata e tofia e le Ao o le Malo e faia i luga o le fautuaga a le Kapeneta.”

6. Komiti Faatino e Pulea le Ava – Fuaiupu 3(1) o le Tulafono o le Ava 1971 ua teuteuina i le soloia o le upu “tolu” ma suia i ai le upu “fa”.

7. Komiti Faatino e Pulea Ata Tifaga-(1) Fuaiupu 4(1) o le Tulafono o le Pulega o Ata Tifaga 1978 ua teuteuina e faapea:

- (a) I le soloia o le parakalafa (c), (d), (e) ma le (f) ma suia i ai e faapea:

“(c) O le Komesina o Galuega Tau Leoleo”

- (b) I le faaofiina i ai ina ua tuanai le parakalafa (c) e faapea:

“(d) O le Pule o le Ofisa o Tiute;

(e) O le Failautusi mo Mataupu tau Tina ma Tamaitai;

(f) Se tagata e toatasi e tofia e le Ao o le Malo, faia i luga o le fautuaga a le Kapeneta, e avea ma sui o Faalapotopotoga faalelotu; ma

(g) Tagata e toalua e tofia e le Ao o le Malo, faia i luga o le fautuaga a le Kapeneta, e avea ma sui o tagata lautele”.

(2) Fuaiupu 4(2) o le Tulafono o le Pulega o Ata Tifaga 1978 ua teuteuina i le faaofiina i ai o le parakalafa (a) pe a tuanai le upu “Aoga” ia upu e faapea “ma le Komesina o Galuega Tau Leoleo, ma le Pule o le Ofisa o Tiute ma le Failautusi mo Mataupu Tau Tina ma Tamaitai.”

8. Komiti Faatino o le Faalapotopotoga o Esetete Tausi a Samoa – Fuaiupu 3(2) o le Tulafono o le Faalapotopotoga o Esetete Tausi a Samoa 1977 ua teuteuina e faapea:

- (a) I le soloia o le upu “Lima” mai le parakalafa (c) a e suia i ai le upu “Ono”; ma

- (b) I le faaofiina i ai pe a tuanai le parakalafa (c) le parakalafa e faapea:

“(d) O le Pule Sili.”

9. Fefaatauaiga, Mea Tau Pisinisi ma Atiina ae o Alamanuia – Fuaiupu 5(3) o le Tulafono o Fefaatauaiga, Mea Tau Pisinisi ma Atiina ae o Alamanuia 1990 ua teuteuina i le faaofiina pe a tuanai le parakalafa (m) le parakalafa e faapea:

“(n) O le Komesina o le Ofisa o Lafoga.”

10. Komiti Faatino o le Ofisa o Samoa mo Tagata Tafafao Maimoa – Fuaiupu 3(3) o le Tulafono o le Ofisa o Samoa mo Tagata Tafafao Maimoa 1984 ua teuteuina i le soloia o le parakalafa (d) ma suia i ai le parakalafa e faapea:

“(d) E toavalu tagata e tofia e le Ao o le Malo, e faia i luga o le fautuaga a le Kapeneta, e avea ma sui o aia o le atiina ae tau i tagata tafafao maimoa ma tagata lautele.”

11. Pulega o Malae Vaalele – Fuaiupu 4 o le Tulafono o Pulega o Malae Vaalele 1984 ua teuteuina i le soloia o le faafuaiupu (2) ma suia i ai le faafuaiupu e faapea:

“(2) O le Komiti Faatino e tatau ona aofia ai le Pule o Vaalele Sivili, ma le toaono o isi faatonu o le a tofia e le Ao o le Malo, e faia i luga o le fautuaga a le Kapeneta, mai tagata e aloaia o latou agavaa ma tomai i tulaga tau tupe po o Mataupu Tau Pisinisi.”

12. Komiti Faatino e Pulea Felauaiga – Fuaiupu 51 o le Tulafono o Taavale Feoai i Ala Tetele 1960 ua teuteuina i le soloia o le faafuaiupu (1) ma le (2) ma suia i ai le faafuaiupu e faapea:

“(1) O le a faatuina nei se Komiti Faatino e Pulea Felauaiga.

(2) O le Komiti Faatino o le a aofia ai:

- (a) Le Taitaifono, e tofia e le Minisita mo se vaitaimi e lua tausaga, peitai e mafai ona toe tofia;
- (b) O le Failautusi o Felauaiga;
- (c) O le Faatonu Sili o Galuega;
- (d) O le Pule o le Komiti Faatino o Tau o Faalavelave Faafuasei;
- (e) O le Komesina o Galuega Tau Leoleo po o se sui filifilia o le Komesina; ma

- (f) Tagata e toatolu e tofia e le Minisita mo se vaitaimi o le lua tausaga peitai e mafai ona toe tofia.”

13. Pulega o Taulaga – Fuaiupu 5(1) o le Tulafono o le Pulega o Taulaga 1998 ua teuteuina i le aveesea o le upu “fa” ma suia i ai le upu “ono”.

14. Komiti Faatino o le Pulega o Vai a Samoa-(1) Fuaiupu 11 o le Tulafono o le Pulega o Vai 1993/1994 ua teuteuina e faapea:

- (a) I le soloia o le faaupuga “iva (9)” mai le faafuaiupu (1) ma suia i ai le upu “sefulu”; ma
(b) I le soloia o upu “Faatonu Sili o Galuega” mai le faafuaiupu (2)(b) ma suia i upu “Pule Sili”;
(c) Faaofiina i ai pe a tuanai le parakalafa (g) i le faafuaiupu (2) le parakalafa e faapea:

“(h) O le Faatonu Sili o Galuega.”

(2) Fuaiupu 12(1) o le Tulafono o le Pulega o Vai 1993/1994 ua teuteuina i le soloia o le faaupuga “ma le (f)” ma suia i le faaupuga “(f) ma le (h)”.

15. Komiti Faatino o le Televisi Samoa – Fuaiupu 17 o le Tulafono o le Faalapotopotoga o le Televisi Samoa 1994 ua teuteuina e faapea:

- (a) I le soloia o le faaupuga “fitu (7)” mai le faafuaiupu (1) ma suia i ai le faaupuga “sefulutasi (11)”;
- (b) Le soloia o le upu “Tolu” mai le faafuaiupu (2)(e) ma suia i ai le upu “Ono”.

16. Komiti Faatino o le Malae Taalo i Apia – Fuaiupu 4 o le Tulafono o le Komiti Faatino o le Malae Taalo i Apia 1995 ua teuteuina i le:

- (a) Toe faatulagaina o mataitusi o le parakalafa “(e)” e avea ma parakalafa “(f)” ma soloia le mataitusi “(c)” ma suia i ai le mataitusi “(e)”;
- (b) Faaofiina pea tuanai le parakalafa (d) le parakalafa e faapea -

“(e) Le Faatonu Sili o Galuega”.

17. Faalapotopotoga o le Malosi Faa-Eletise – Fuaiupu 5(1) o le Tulafono o le Faalapotopotoga o le Malosi Faa-Eletise 1980 ua teuteuina e faapea:

- (a) I le soloia o le fuainumera “7” ma faaofi i ai le fuainumera “8”;
- (b) I le soloia o upu “Faatonu Sili o Galuega” i totonu o le parakalafa (b) ma suia i ai upu “Pule Sili”; ma
- (c) I le faaofiina pe a tuanai le parakalafa (e) le parakalafa e faapea:

“(f) Le Faatonu Sili o Galuega”.
